

## بالبرد .. أمن سجن برج العرب تعذيب المعتقلين



السبت 3 ديسمبر 2016 10:12 م

يعاني المعتقلون في مصر من أوضاع معيشية مأساوية وصعبة للغاية، من إهمال وتعنت وتضييق تسبب في كثير من الأحيان لاستشهاد العديد من منهم

إلا أن ما يتعرض له المعتقلون في سجن "برج العرب" في الآونة الأخيرة، فاق كل ما يتوقعه الجميع، فقد بلغت الأفعال السادية والوحشية من أمن الانقلاب في هذا السجن مدى بعيد

وفي الأجواء الباردة كالتي نعيشها الآن، يجرد المعتقل من معظم ملابسه، لينام على الأرض "البلاط" في ظروف لا يطيقها بشر

وعن هذا تقول شقيقة أحد المعتقلين بسجن برج العرب :

من ساعة ما خرجت من الزياره وانا مش قادره اجمع الكلام وادصف اللي محمد كان فيه!!!

محمد من اول ما دخل الزياره كان متغير جدا جدا عن طبيعة محمد البشوش !!

سلم على انا وماما ورقية وقعد مسألش عن أي حد ودي على غير الطبيعه!!! اول سؤال لسه فاكريتا برا؟ طيب لسه الناس بتكتب عننا وعن اللي بيحصلنا؟

وعيونهم كلها دموع!!! وعمرها ما حصلت من يوم اعتقاله مكناش بنشوف غير الضحكة الجميلة ومنفصلش ضحك، المرة دي مفصلناش عياط!!!

مفيش بطاطين يا ماما مفيش فرشه مفيش هدوم ثقيله مفيش اكل مفيش اي حاجه يا ماما، جردونا من كل حاجه من كل حاجه يا آلاء!!!

في التفتيش مدخلوش الهدوم الشتوي، مدخلوش بناطيل لمحمد!!!

مدخلوش بطاطين، مدخلوش دفايات!!

مدخلوش اي منظفات للززانة، مدخلوش اي منظفات شخصيه ليه!!

مدخلوش الكتب اللي محتاجها!!

مفيش تريض يا ماما، مبنشوفش بعض يا أمي خالص!!

الززانة مقفوله علينا ال 24 ساعه!!

عارفين يا ماما في ايام بتمر علينا مبيبقاش عندنا اكل في الغرفة،

والله يا ماما الناس هنا بتموت بالبطي!!

عارفه يا أمي بيدخلوا علينا كل يومين يجردونا حتى من الحاجه اللي بتدخلنا ف الزياره، من علاجنا من لبسنا!!!

حتى يا ماما اللي بيكون لابس حاجتين فوق بعض بيخلوه يخلع واحد ويأخدوا الثاني!!!

بيدخلوا علينا يا أمي ويقولولنا مين عايز يطلع من الاخوان يمضي ع الورقه دي ويروح يقعد مع الجنائين وهنطلعه براءه!!!

في آخر الزياره يا أمي اطلعوا وكلموا كل الناس اللي جايه زياره قريب خلوهم يجبولنا شكاير نفرشها ونعلق عليها حاجتنا وخلوهم يجبولنا قُرس وقراقيش ونواشف كثير يا أمي!!!

عارفين احنا مش هنموت من الجوع والله احنا هنا مش عشان اكل ولا شرب ولا الكلام دا!!! احنا هنا لله يا أمي وكله يهون في سبيل الله

Facebook